

**Kev Hais Plaub Txog Kev Suav Pej Xeem Hauv Xyoo 2020 thiab Nws Txhais Tau Li Cas Rau
Cov Zej Zog Neeg Asmeskas Es Xias**

Tom qab Teb Chaws Meskas Lub Tsev Hais Plaub Qib Siab tau txwv tsis pub tsoom fwv los ntxiv cov lus nug txog kev ua xam xaj rau hauv Kev Suav Pej Xeem Xyoo 2020, tsoom fwv tau siv lwm txoj hauv kev los ua kom muaj kev cuam tshuam rau Kev Suav Pej Xeem xyoo 2020 thiab tiv thaiv keeb kwm ntawm cov zej zog uas tsis raug suav tag nrho thiab kom paub meej thiab tau sawv cev rau peb qhov txheej txheem kas moos. Kawm paub ntxiv txog Kev Suav Pej Xeem xyoo 2020 thiab vim li cas nws ho tseem ceeb rau peb cov zej zog tau ntawm www.CountUsIn2020.org.

Cov Ntsiab Lus Tseem Ceeb:

1. Raws li Kev Cai Tswj Fwm, kev suav pej xeem yog muaj los txhawm rau los suav txhua leej. Txhua leej hauv peb cov zej zog yuav tsum raug suav, tsis haiv qhov xwm txheej kev tsiv teb tsaws chaw.
2. Kev suav pej xeem cuam tshuam rau kev pab nyiaj ntawm tsoom fwv thiav cov peev txheej uas peb cov zej zog tau txais thiab peb cov neeg sawv cev hauv kas moos thiab ua sawv ces peb lub suab rau kaum lub xyoo tom ntej. Peb xav tau kev suav tag nrho thiab kom paub meej los txais peb kev ncaj ncees muaj txiaj ntsig sib luag ntawm cov peev txheej.
3. Kev Suav Pej Xeem hauv xyoo 2020 tau dhau lawm, Chaw Ua Hauj Lwm Suav Pej Xeem yuav tsum muaj sij hawm txaus los ua cov ntaub ntawv uas lawv khaws tau thiab txheeb xyuas tej qho yuam kev. Kev rau siab nro los ua cov ntaub ntawv los tshaj tawm txog cov lej thaum kawg ntawm Lub Kaum Ob Hlis Ntuj Tim 31 phim zoo li yuav ua rau kev suav tsis paub tseeb rau peb cov zej zog uas tsis raug lees txais hauv yav tag los.

Dab tsi yog qhov tseem ceeb hauv kev sib hais plaub uas tab tom tshwm sim hauv Kev Suav Pej Xeem Xyoo 2020?

- Qee qhov kev hais plaub tseem tab tom tshwm sim hauv tsev hais plaub hauv kev ua txuas ntxiv mus txhawm rau kev suav pej xeem ua kom tiav thiab paub meej. Peb qhov teeb meem tseem ceeb uas raug foob yog: (1) kev txiav tawm kev suav thiab kev khiav cov ntaub ntawv; (2) Daim Ntawv Pom Zoo Ntawm Thawj Fwm Tsav kom cais tawm cov neeg tsiv teb tsaws chaw uas tsis muaj ntaub ntawv ntawm kev txiav txim siab hauv tsoom fwv xaj xeeb; thiab (3) kev tsim cov ntaub ntawv (hu ua qhov ntaub ntawv ntawm Cov Neeg Pov Ntawv Xaiv Tsa Ntawm Pej Xeem los sis “CVAP”) los cais tawm cov tsis yog-Neeg Asmeskas. Cov pej xeem los ntawm qhov txheej txheem kev cais ciam av-xeev. Cov Neeg Asmeskas Es Xias Lub Koom Haum Advancing Justice | AAJC (“Advancing Justice-AAJC”), ua ke nrog MALDEF (Kev Tiv Thaiv Raws Cai Rau Cov Neeg Asmeskas Mev thiab Pawg Nyiaj Pab Kev Kawm), tam sim no yog ib qhov kev nyuaj rau cov kev npaj siab yuav los cuam tshuam kev suav pej xeem hauv chaw hais plaub ntawm tsoom fwv.

- ***Kev Ncuaj Sij Hawm:*** Thaum Lub Chaw Ua Hauj Lwm Suav Pej Xeem raug yuam kom hloov lawv qhov phiaj xwm kev ua hauj lwm vim rau qhov muaj Tus Kab Mob Sib Kis Khaus Viv-19, Lub Chaw Hauj Lwm Suav Pej Xeem tau txiav txim siab tias nws yuav tsum tau ua txuas ntxiv kev suav kom txog Lub Kaum Hlis Ntuj Tim 31, 2020, ua kom paub tseeb tias kev suav ua tiav thiab paub meej thiab txuas ntxiv kev ua cov ntaub ntawv kom dhau Lub Plaub Hlis Ntuj Tim 30, 2021. Txawm li cas los xij, hauv Lub Yim Hlis Ntuj, Lub Chaw Hauj Lwm Suav Pej Xeem tshaj tawm tam sim ntawd tias nws yuav txiav sij hawm uas tseem ceeb kom luv los ua kev suav pej xeem kom xaus kev suav hauv Lub Cuaj Hlis Ntuj Tim 30, 2020 thiab ua cov ntaub ntawv thiab tshaj tawm qhov kev suav kawg nkaus rau Thawj Pwm Tsav ntawm Lub Kaum Ob Hlis Tim 31, 2020.
- ***Ntawv Tshaj Tawm Ntawm Thawj Pwm Tsav:*** Txhua tus yuav tsum raug suav hauv kev suav pej xeem, tsis hais txog kev tsiv teb tsaws chaw. Txawm li cas los xij, hauv Lub Xya Hlis Ntuj Tim 2, 2020, Thawj Pwm Tsav Trump tau tawm ib [tsab ntawv tshaj tawm](#) kom cais tawm cov neeg tsiv teb tsaws chaw uas tsis muaj ntaub ntawv los ntawm kev suav pej xeem tau siv los rov tsim qhov rooj zaum xab phas ntawm cov xeev. Txoj cai sam fwm hais tias yuav tsum faib cov rooj zaum hauv sab phas kom raws li “cov tib neeg tag nrho hauv txhua lub xeev” li ntawd cov xeev tau sawv cev raws li lawv cov pej xeem. Kev tshem tawm cov neeg tsiv teb tsaws chaw uas tsis muaj ntaub ntawv los ntawm kev suav sib cais yog qhov tsis tau pom dua thiab tsis raug raws txoj cai tswj fwm thiab yuav hloov kev sawv cev hauv kas moos mus ntawm cov chaw uas muaj cov zej zog neeg tsiv teb tsaws chaw loj.
- ***qhov ntaub ntawv CVAP:*** Hauv Lub Xya Hlis Ntuj 2019, tsis pes tsawg hnuv tom qab Lub Tsev Hais Plaub Loj txwv kev ntxiv ntawm cov lus nug txog xam xaj, Thawj Pwm Tsav Trump tau tawm ib [Tsab Lus Txib Ntawm Thawj Coj](#) taw qhia rau Qhov Chaw Ua Hauj Lwm Suav Pej Xeem kom sau cov ntaub ntawv xam xaj los ntawm tsoom fwm thiab cov chaw hauj lwm hauv xeev yog li ntawd cov xeev tuaj yeem cais tawm cov neeg uas tsis yog-Neeg Asmeskas. Cov pej xeem los ntawm kev suav pej xeem tau siv los rho cov nroog raws kev cai lij choj hauv xeev. Kev siv qhov ntaub ntawv CVAP nrog cov ntaub ntawv xam xaj-tshwj xeeb ntawm them kev txwv yuav txo lub hwj chim fab kas moos ntawm cov neeg Latin thiab Asmeskas Es Xias, uas tej zaum nyog rau hauv cov zej zog neeg tsiv teb tsaws chaw.

Qhov txheej txheem tam sim no yog dab tsi?¹

- Kev suav rau Kev Suav Pej Xeem xyoo 2020 tau xaus rau Lub Kaum Hlis Ntuj Tim 15, 2020. Lub Chaw Hais Plaub Qib Siab tau txiav kev suav kom luv thaum nws muab cov lus txiav txim los ntawm lub tsev hais plaub qib qis uas tau taw qhia rau Lub Chaw Hauj Lwm Suav Pej Xeem los txuas kev suav kom mus txog Lub Kaum Hlis Ntuj Tim 31, raws li Lub Chaw Hauj Lwm Suav Pej Xeem tau ib txwm npaj txij thaum muaj Tus Kab Mob Sib Kis Khaus Viv-19.

¹ Hloov kho tshiab hauv Lub Kaum Hlis Ntuj Tim 26, 2020. Raws li kev taug plaub ntug yuav muaj kev pauv hauv cov xwm txheej hauv cov xwm txheej tam sim no.

- Tam sim no kev suav tau xaus lawm, Lub Chaw Hauj Lwm Suav Pej Xeem yuav tsum tau ua cov ntaub ntawv uas tau sau los thiab npaj cov lej rau kev tshaj tawm. Qhov “tom qab cov ntaub sau los ua” no yog qhov tseem ceeb los txheeb xyuas txog cov kev yuam kev thiab ua kom pab tseeb txog kev suav kom paub meej.
- Lub sij hawm hnuv kawg tam sim no rau Lub Chaw Hauj Lwm Suav Pej Xeem los xa qhov kev suav pej xeem xyoo 2020 kawg nkaus mus rau Thawj Pwm Tsav yog Lub Kaum Ob Hlis Ntuj Tim 31, 2020. Txawm li cas los xij, Lub Chaw Hauj Lwm Suav Pej Xeem yav tag los tau hais tas li tias tsis muaj sij hawm txaus kom ua tau raws li qhov sij hawm hnuv kawg no, thiab lawv xav tau sij hawm mus kom txog Lub Plaub Hlis Ntuj Tim 30, 2021 los rau qhov paub tseeb tias nws tuaj yeem ua tau txhua cov kauj ruam kev ua cov ntaub ntawv uas tseem ceeb.
- Ntau qhov kev foob tau hais tias lub sij hawm hnuv kawg hauv Lub Kaum Ob Hlis Ntuj Hnuv Tim 31 yuav tsum muab tseg cia. Tus kws txiav txim plaub ntug hauv tsoom fww hauv Xeev California tau pom zoo thiab rov kho lub sij hawm hnuv kawg mus rau Lub Plaub Hlis Ntuj Tim 30, 2021 rau kev tshaj tawm. Tsoom fww tau thov kom rov txiav txim siab, thiab kev hais plaub tau raug muab tso tseg lub sij hawm uas qhov kev txiav txim siab tseem nyob hauv qhov thov rov hais dua. Qhov no txhais tau hais tias, txog tam sim no, Lub Chaw Hauj Lwm Suav Pej Xeem tau txais txoj hauj lwm kom tsaj tawm kev suav sib cais hauv Lub Kaum Ob Hlis Ntuj Tim 31, 2020, thiab ua cov ntaub ntawv-tom qab kev suav hauv lub sij hawm uas tsawg dua uas lawv tau npaj tseg.
- Uas raws li Daim Ntawv Tshaj Tawm Ntawm Thawj Pwm Tsav, rau Lub Cuaj Hlis Ntuj Tim 10, 2020, ib pab pawg ntawm cov txiav txim plaub ntug hauv tsoom fww nrab peb leeg hauv Lub Xeev New York tau txiav txim tias kev cais tawm cov neeg tsiv teb tsaws chaw uas tsis muaj ntaub ntawv los ntawm kev suav sib cais hauv xab phas yog ib qhov txhaum kev cai. Pab pawg tswj hwm ntawm Trump tau thov rov hais dua txog kev txiav txim, thiab Lub Chaw Hais Plaub Qib Siab tau teem sij hawm los hais rooj plaub rau Lub Kaum Ib Hlis Ntuj Hnuv Tim 30.

Qhov no muaj ntsiab lus li cas rau Cov Neeg Asmeskas Es Xias, Cov Neeg Hawaiian Uas Ib Txwm Nyob, thiab cov zej zog ntawm cov ntawm cov neeg nyob ntawm Pov Txwv Pacific?

- Niaj hnuv no, kwv yees li ib ntawm 5 leeg Cov Neeg Asmeskas Es Xias thiab ib ntawm peb leeg Neeg Hawaiian Ib Txwm Nyob thiab Cov Neeg Pov Txwv Hauv Pacific nyob rau hauv cov zej zog uas nyuaj-yuav-suav txog thiab muaj cov ntaub ntawv keeb kwm tsis txaus hauv kev suav pej xeem. Yuav tsum muaj kev suav kom tiav thiab kom paub meej rau txhua yam txij ntawm kev kho mob thiab kev kawm ntawv mus txog tsev nyob thiab kev thauj mus los rau li kaum lub xyoo tom ntej.
- Txawm tias kev suav pej xeem tau kaw lawm, peb kev siv zog los ua kom paub tseeb tias peb cov zej zog tshwm sim rau hauv kev suav pej xeem yam puv ntoob, thiab ua kom paub tseeb tias cov pab nyiaj thiab lub hwj chim hauv kas moos uas los ntawm nws, yuav tsis tag li no. Kev maj los ua cov ntaub ntawv los tshaj tawm txog cov lej kawg rau Lub Kaum Ob Hlis Ntuj Tim 31 kws yees li yuav tshwm sim los ua kev suav uas tsis paub meej rau peb cov zej zog uas muaj ntaub ntawv keeb kwm tsis txaus.

- Txoj cai tswj hwm kuj meej heev tias hauv kev suav pej xeem yuav tsum suav “tus lej kheej tag nrho ntawm cov tib neeg hauv txhua Xeev.” Kev cais tawm cov tswv cuab uas tsis muaj ntaub ntawv ntawm peb lub zej zog los ntawm tus lej los faib rooj zaum hauv xab phas yuav muaj feem cuam tshuam rau hauv kev sawv cev hauv kas moos ntawm cov zej zog neeg tsiv teb tsaws chaw thiab ntau cov zej zog ntawm cov neeg ntau xim.
- Advancing Justice-AAJC, hauv kev koom tes nrog MALDEF, tawm tsam txuas ntxiv cov teeb meem no hauv tsev hais plaub los ua kom paub tseeb tias peb cov zej zog tau sawv cev.